



UDRUŽENJE GRAĐANA SPORTSKIH

RIBOLOVACA «BISTRO» ZENICA

ZENICA

BULEVAR KULINA BANA 32. , 72 000 ZENICA

tel/fax +387 32 242 212, e-mail bistroze@yahoo.com

TRANSAKCIJSKI RAČUN: 3389002200293108 UNI CREDIT BANK

P R A V I L N I K

O RADU TAKMIČARSKE KOMISIJE UGSR „BISTRO“ ZENICA

ZENICA, 2018. godina

Na temelju člana 24. Statuta UGSR „Bistro“ Zenica i Opštih pravila organizovanja Sportsko ribolovnih takmičenja u BiH, Upravni odbor Udruženja je na svojoj XIV sjednici održanoj dana 07.09.2018. godine donosi:

P R A V I L N I K

O RADU TAKMIČARSKE KOMISIJE UGSR „BISTRO“ ZENICA

Član 1.

Ovim Pravilnikom se reguliše rad, organizacija, obaveze i nadležnosti Takmičarske komisije Udruženja Građana Sportskih Ribolovaca “Bistro” Zenica (u daljem tekstu: UGSR “Bistro” Zenica).

Član 2.

Takmičarska komisija je operativni organ Upravnog odbora i organizuje se u skladu sa odredbama Statuta UGSR “Bistro” Zenica, a zadužena je za planiranje i provođenje Sportsko ribolovnih takmičenja u svim disciplinama i kategorijama. Takmičarsku komisiju bira Upravni odbor UGSR “Bistro” Zenica, a mandat članova komisije je 4 (četiri) godine uz mogućnost ponovnog izbora.

Član 3.

Komisija broji 3 (tri) člana:

- 1. Predsjednik Komisije;*
- 2. Dopredsjednik;*
- 3. Član.*

Predsjednika komisije imenuje Upravni odbor Udruženja, a zamjenika imenuje Takmičarska komisija.

Član 4.

Sjednica Takmičarske komisije se održava po potrebi ili na zahtjev Upravnog odbora Udruženja.

Sjednicu Takmičarske komisije saziva Predsjednik, a u slučaju njegove spriječenosti sjednicu može sazvati i dopredsjednik. Komisija ima kvorum ako su na sjednici prisutna 2 (dva) člana komisije.

Takmičarska komisija donosi odluke, zaključke i stavove većinom glasova prisutnih članova, a Glasanje je javno i obavlja se dizanjem ruku ili pojedinačno na način da se članovi o prijedlogu izjašnjavaju sa "za" , "protiv" ili "uzdržan".

Takmičarska komisija može odlučivati da se o pojedinim tačkama dnevnog reda sprovede tajno glasanje.

Član 5.

Osnovni zadaci i obaveze Takmičarske komisije Udruženja:

- 1. Razmatra Kalendar Takmičenja SRS BiH i SRS FBiH;*
- 2. Izrađuje prijedlog učešća na sportsko ribolovnim takmičenjima i isti dostavlja Upravnom odboru Udruženja na razmatranje i usvajanje;*
- 3. U saradnji sa Upravnim odborom i Sudijskom komisijom Udruženja organizuje Društvena takmičenja u svim disciplinama;*
- 4. Vrš izbor ekipe koja će Udruženje predstavljati na takmičenju;*
- 5. Izrađuje specifikaciju neophodnih troškova učešće na svakom takmičenju pojedinačno i istu dostavlja Upravnom odboru na razmatranje i usvajanje;*
- 6. Podnosi izvještaj Upravnom odboru Udruženja nakon završenog takmičenja;*
- 7. Radi i druge poslove u skladu sa Statutom i odlukama Skupštine i Upravnog odbora Udruženja.*

Član 6.

Predsjednik Takmičarske komisije je ujedno i vođa ekipe i zadužen je da vodi ekipu na takmičenje. Ukoliko je predsjednik iz opravdanih razloga spriječen za odlazak na neko takmičenje komisija će odrediti koji član komisije će voditi ekipu na to takmičenje.

Član 7.

Ukoliko Udruženje na nekom takmičenju uzima učešće sa dvije ili više ekipa (koje broje po 3 člana) ili ukoliko se učestvuje na takmičenju na kojem ekipu čini 5 članova na takmičenje će pored predsjednika ići i jedan član komisije.

Član 8.

Takmičarima i vođi ekipe prilikom nastupa na Službenim takmičenjima (takmičenja u organizaciji SRS BiH i SRS F BiH) pripadaju sportske dnevnicе u visini od 20,00 KM.

Član 9.

Na Društvenim takmičenjima mogu učestvovati:

- *članovi koji su izvadili godišnju ribolovnu dozvolu za godinu u kojoj se organizuje takmičenje;*
- *članovi protiv kojih se ne vodi disciplinski postupak u Udruženju ili krivični postupak pred sudom;*

Član 10.

Na Društvenim takmičenjima mogu učestvovati i veterani (članovi stariji od 65 godina) koji imaju pravo na priznanja koja se dodjeljuju na takmičenju, ali nemaju pravo nastupa na zvaničnim takmičenjima većeg ranga i KUP takmičenjima.

Član 11.

Društvena takmičenja se održavaju u 2 dana i to u svakom danu po 2 kola. Ekipu Udruženja će u toj godini predstavljati najbolje plasiranih 6 (šest) takmičara.

Član 12.

U slučaju da se protiv takmičara iz člana 10. ovog Pravilnika pokrene disciplinski postupak u Udruženju taj takmičar automatski gubi pravo nastupa u toj godini, a ujedno nema pravo učešća na Društvenom takmičenju koje će biti održano u narednoj godini. U ovakvim slučajevima ekipu će popuniti takmičar koji je na Društvenom takmičenju zauzeo 7. pojedinačno mjesto.

Član 13.

Ovaj Pravilnik stupa na snagu danom usvajanja na sjednici Upravnog odbora i njegovim usvajanjem prestaje da važi ranije donesen Pravilnik o radu Takmičarske komisije Udruženja.

Zenica, 07.09.2018. godina

UPRAVNI ODBOR

Predsjednik Upravnog odbora